

ՊՈՂՈՍ ԱՌԱՔՅԱԼԻ ԹՈՒՂԹԸ ՀՈՍՏԵԱՑԻՆԵՐԻՆ

1 Պողոս, Հիսուս Քրիստոսի ծառա՝ կանչված առաքյալ լինելու, առանձնացված Աստծո ավետարանի համար,

2 որ Նա նախապես խոստացել էր Իր մարգարեների միջոցով՝ Սուրբ գրքերում,

3 Իր Որդու՝ մեր Տեր Հիսուս Քրիստոսի վերաբերյալ, որ մարմնի կողմից Գավթի սերնդից եղավ,

4 և Աստծո Որդի հայտարարվեց գործյամբ՝ ըստ սրբության Հոգու, մեռելներից հարություն առնելով.

5 որով շնորհ և առաքելություն ստացանք՝ Իր անվան համար հավատի հնազանդություն *քարոզելու* բոլոր ազգերի մեջ,

6 որոնց մեջ դուք նույնպես Հիսուս Քրիստոսի կանչվածներն եք.

7 ձեզ՝ բոլորիդ, որ Հռոմում եք, Աստծո սիրելիներիդ, սուրբ լինելու կանչվածներիդ, շնորհ և խաղաղություն մեր Հայր Աստծուց ու Տեր Հիսուս Քրիստոսից:

Պողոսի Աղոթքն Ու Ցանկությունը

8. Նախ ձեզ բոլորիդ համար գոհանում եմ իմ Աստծուց Հիսուս Քրիստոսի միջոցով, որովհետև ձեր հավատի մասին պատմվում է ամբողջ աշխարհում:

9. Վկա է ինձ Աստված, որին ծառայում եմ իմ հոգով՝ Նրա Որդու ավետարանում, թե ինչպես անդադար ձեզ հիշատակում եմ իմ աղոթքներում,

10. աղաչելով, որ հիմա, վերջապես, Աստծո կամքով ինձ հաջողվի ձեզ մոտ գալ,

11. որովհետև շատ եմ ցանկանում ձեզ տեսնել, որպեսզի կարողանամ մի հոգևոր շնորհ փոխանցել ձեզ՝ ձեր անբախտիչ համար,

12. այսինքն՝ ձեզ հետ մխիթարվեմ, իմ և ձեր ընդհանուր հավատի միջոցով:

13. Արդ, չեմ ուզում, որ անտեղյակ լինեք, եղբայրներ, թե շատ անգամ եմ

2 Տիմ 1:12
Հն 15:21-22 14

1Կոր 1:18 16

5 Գործք 9:15

Ամբ 2:4, 17
Եբր 10:38

Եփ 5:5-6 19

9 1Թես 3:9

10 Հն 15:32

Եփ 4:17 21

1Կոր 1:20 22

Եբր 2:11 23

մտադրվել ձեզ մոտ գալ (սակայն մինչև հիմա արգելվեցի), որ ձեր մեջ էլ պտուղ ունենամ, ինչպես ուրիշ հեթանոսների մեջ:

14. Ես պարտական եմ և՛ հույներին, և՛ բարբարոսներին, և՛ իմաստուններին, և՛ անմիտներին:

15. Այնպես որ, որքան ի վիճակի եմ, ես պատրաստ եմ ավետարանը քարոզելու ձեզ էլ, որ Հռոմում եք:

16. Որովհետև ես Քրիստոսի ավետարանն ամոթ չեմ համարում, քանի որ այն Աստծո զորությունն է՝ ամեն հավատացողի փրկության համար, նախ հրեայի, և նույնպես հույնի.

17. որովհետև դրանով Աստծո արդարությունը, որ հավատից է, հավատի համար է հայտնվում, ինչպես գրված է. «Արդարը հավատով պիտի ապրի»:

Մարդկության Մեղքը

18. Քանզի Աստծո բարկությունը երկնքից հայտնվել է մարդկանց ամբողջ անաստվածության և անիրավության վրա, որոնք ճշմարտությունն անիրավությամբ են արգելափակում,

19. որովհետև այն, ինչ հնարավոր է իմանալ Աստծո մասին, հայտնի է իրենց, քանի որ Աստված ցույց տվեց նրանց:

20. Նրա աներևույթ *հատկությունները, այսինքն՝* Նրա մշտնջենավոր զորությունն ու Աստվածությունը, աշխարհի արարչագործությունից սկսած պարզ երևում են, հասկացվելով այն բաներից, որ ստեղծված են, այնպես որ նրանք արդարացում չունեն.

21. որովհետև Աստծուն ճանաչելով՝ Նրան որպես Աստծու չփառավորեցին, ո՛չ էլ շնորհակալ եղան, այլ իրենց դատողությունների մեջ ունայնացան, և նրանց անմիտ սրտերը խավարեցին:

22. Իրենք իրենց իմաստուն համարելով՝ հիմարացան:

23. Եվ անեղծ Աստծո փառքը փոխե-

This sample page is for style and size guidance only and cannot accurately represent the quality of the actual printed text. Your printout of this page may show text lighter or heavier than in our actual Bibles depending on the printer used.

If printed actual size this bar should measure 10cm/100mm

If printed actual size this bar should measure 4"

The above image and setting is the property of the Trinitarian Bible Society. This sample is reproduced for your personal use only—not for distribution.